



ҚАЗАҚСТАН ҰЛТТЫҚ БАНКІ

АҚПАРАТТЫҚ ХАБАР

2016 жылғы 18 қазан

Ұлттық Банк қысқамерзімді ноттарға деген жоғары сұранысты атап өтті және кірістіліктің тәуекелсіз қисығын құру жұмысын жалғастыруда

2016 жылғы 7 қазанда 50,00 млрд. теңге сомасына айналыс мерзімі 364 күндік қысқамерзімді ноттарды кезекті орналастыру болды. Қатысушылардың тарапынан орналастырудың жария етілген көлемінен үш есе асатын (154,73 млрд. теңге) сұраныс болған кезде аукциондық кірістілік 11,48% деңгейде қалыптасты. Бұл жөнінде ҚР ҰБ Төрағасының орынбасары Ғалымжан Пірматов мәлімдеді.

Оның айтуынша, қатысушылардың, оның ішінде шетелдік инвесторлардың тарапынан ҚР Ұлттық Банкінің барынша ұзақ айналыс мерзімі бар қысқамерзімді ноттарына жоғары сұранысы байқалып отыр. Ол бұл жағдайды «дамыған және дамушы елдердің төмен, кейбір жағдайларда теріс мөлшерлемелердің аясында теңгемен мөлшерлеменің тартымдылығымен» түсіндіреді.

Сонымен бірге жүргізілген аукциондар нәтижесі бойынша базалық мөлшерлеме төмендегеннен кейін айналыс мерзімі 7 күндік қысқамерзімді ноттардың кірістілігі 12,46%-ға дейін (мөлшерлеме төмендегенге дейін – 13,03%), айналыс мерзімі 28 күндік 12,45%-ға дейін (13,04%), 91 күндік айналыс мерзімімен 12,15%-ға дейін (12,64%) төмендеді.

«2016 жылғы сәуірден бастап нарыққа қатысушылармен бірлесіп Ұлттық Банк мемлекеттік бағалы қағаздар нарығын бір жылға дейінгі секторда сақтап қалды. Кірістілік қисығының осы секторындағы жұмыс жалғасады», – деп нақтылады Ғ. Пірматов.

Ол сондай-ақ Ұлттық Банктің жыл соңына дейін кірістіліктің тәуекелсіз қисығын құру жөніндегі жоспарларды іске асырудың келесі кезеңін бастауды жоспарлап отырғанын атап өтті. «Біз орта және ұзақмерзімді аяда қисық сызығын қалыптастыру үшін қайталама нарықта Қазақстан Республикасының мемлекеттік бағалы қағаздарымен операцияларды жүргізе бастаймыз», – деп хабарлады Ғалымжан Пірматов.

Ғ. Пірматов Ұлттық Банктің 2016 жылғы 3 қазанда +/-1% дәлізін сақтай отырып базалық мөлшерлемені 12,5%-ға дейін төмендету туралы шешім қабылдағанын еске салды. «Базалық мөлшерлемені төмендету сыртқы нарықтың негізгі сегменттеріндегі оң серпінге, сондай-ақ ішкі қаржы нарығындағы тұрақты ахуалға негізделген. Базалық мөлшерлемені төмендету серпіні ақша нарығының пайыздық мөлшерлемелерінде және Ұлттық Банктің ашық нарығының операциялары бойынша кірістілікте көрініс табады», – деді ҚР ҰБ Төрағасының орынбасары. Оның айтуынша, қысқамерзімді ноттар кірістіліктерінің олардың айналыс мерзімінің ұлғаюына қарай төмендеуі нарыққа қатысушылардың базалық мөлшерлемені одан әрі төмендету бойынша күтулерін көрсетеді. Ұлттық Банк осыған дейін инфляциялық процестердің бәсеңдеуі және жылдық инфляцияны орнықты төмендету үрдісі расталған

кезде және теңгемен депозиттер тұрақты өскен жағдайда ағымдағы жылдың соңына дейін базалық мөлшерлеменің төмендеуі жоққа шығарылмайтыны туралы мәлімдеді.

Толығырақ ақпаратты мына телефондар бойынша алуға болады:

+7 (727) 2704 585

+7 (727) 2704 697

e-mail: press@nationalbank.kz

www.nationalbank.kz